



9. Juni 2026

UPA2026/125

Nunatsinni kommunit kattuffiannik nutaamik pilersitsisinnanissamut periarfissat pillugu apeqquteqaat aallaavigalugu siunnersuut.

(Inatsisartunut ilaasortaq Bentiaraq Ottosen, Atassut)

Bentiaraq Ottosen Atassut, apeqquteqaat aallaavigalugu oqallinnissamut siunnersuutaanut Siumumiit imatut oqaaseqarfissuarput.

Kommuunit inuiaqatigiinnut pingaaruu

tilerujussuarmik inissisimapput. Kommuunit innuttaasut ulluinnarni atugaasa pitsaasuunissaannut suliaqarfiit amerlasuut ingerlataraat. Taamaattumik pingaaruteqarpoq kommuunit suleqatigiinnissamut, misilittakkanik paarlaasseqatigiinnissamut kiisalu soqutigisat ataatsimoorussat pillugit nukittuumik oqariartoqatigiissinnaanermik pitsaasumik periarfissaqarnissaat.

Siumumiit isumaqarpugut Namminersorlutik Oqartussat kommuunillu akornani pitsaasumik suleqatigiinneq nunatsinni unammilligassanik aaqqiinarnissamut tunngaviulluinnartoq. Tamanna ilaatigut isumaginninnermut, ilinniartitaanermut, inissianut il.il. kiisalu nunap immikkoortuini ineriartortitsinnermut tunngasuni atuulluni. Sulili unammilligassanik amerlasuunik peqarpugut kommuunit akimorlugit, inoqarfiillumi, atuuttunik ataatsimoorluni aqqissuuttariaqartunik pisariaqartitsisunik.

Siumumiit isumaqataavugut Kattuffeerunneq Kommuunit suleqatigiinneranni amigaateqalersitsisoq.

Naammagineqanngilaq politikikkut ataqatigiissaarisoqaannarneq. Tamanna paasisinnaavarput.

Taamatut killiffeqarneq pimoorullugu oqaluuserineqartariaqarpoq. Kommuunit kattuffeqarallarnerniit pissutsit ullumikkut allanngornikuupput. Kommuunit aqqissuussaananerit allanngorsimavoq, kiisalu ulluinnarni ingerlatseriaatsit aamma allanngorsimallutik.

Kommuunit kattuffiata qanoq ililluni unikkiartuaarsimanera amerlasuut ilisimalluarunarpaat. Kommuunit amerlanerit nutaat taamani kissaatigivaat kattuffiup allaffeqarfia Nuummiittariaqanngittoq. Takisuuliarinagu uggorartumik sulisut tukermersorput atugassarititaasut assigiinngitsut pissutigalugit. Tamatuma kingunerivaa kattuffiup atorunnaariartornera atorunnaarneralu.

Ilimangivara massakut Kommuunit Borgmesterii oqallitarfeqarsimassasut, aammalu ilimagivara oqallitarnerninni namminnerlutik inerniliuttakkaminnik angusaqarnerorusullutik allaffissornikkut sukkanerusumik ingerlatsivigisinnaasaminnik amigaateqartarsimassasut.

Nunamut namminermut allaffeqarfik Namminersorlutik Oqartussat allaffeqarfianiittoq atorluarneqartorujussuag Siumumiit nalunngilarput, qularnanngilarli ulluinnarni suliassarpassuaqarnerup nassatarisaanik pingaarnersiunerit pissutaallutik Kommuunenut ilaanni naammaginnginnermik kinguneqartarsimassapput.

Naalakkersuisut akissuteqaatiminni oqaatigaat Kommuuniti namminneq aqqissuussiffimmut nutaamut saaffiginippata ammallutik aammalu oqaloqatigiinnissamut kissaateqartoqarpat piareersmalutik.



Naggataatigut Siumumiit oqaatigissuarput Kattuffeqaleqqinnissamik siunertaqarnermut tapersersuigatta kiisalu inuit naammagisimaarinninnginnerat tusaallugu Kommuunit aaqqissuussaanerata nalilersoqqittariaqarneranut tunuarsimaanngilluinnaratta.

Jess Svane SIUMUT